

¡BOMBA!

Se puso fea la cosa
con motín en el penal,
es lío fenomenal
el que se armó en Villahermosa



k'uintsil

Miércoles 5 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2411 · www.lajornadamaya.mx



Táan u tíitikubáaj lu'um ti' griegail peten; yanchaj u jóok'sa'al maanal 7 mil máak tu kaajil Santorini

Afp / p 30
Oochel Ap

Maanal 7 máako'obe' yanchaj u p'atiko'ob u kaajil Santorini, tu jo'olaj 48 horas, úuchik u tíitikubáaj lu'um tu griegail peten le martes máanika', tumen tak ajxak'al máako'ob a'alike' le je'elo' jump'éeel ba'al mix juntéen yáax úuchuki'.

Kex 5 mil 755 máak jna'ak ti' ferris le domingo máanika', ti'al u luk'ulo'ob te'el kaaj jach k'ajoolta'an yóok'olal ch'oj najil k'ujo'ob, beey úuchik u ya'alal

tumen juntúul jgriegoil kanan jáal ja' ti' AFP.

U mola'ayil péepen k'áak' Aegean Airlines tu ya'alaj leti'e' tu máansaj mil 294 máako'ob desde le lunes máaniko'. Máako'obe' luk'o'ob tu kaajil Santorini tak tu kaajil Atenas. Bolonp'éeel vuelos yanchajij, ts'o'oke' jo'op'éeel ti' le je'elo'obo', yanchaj u túumben programarta'al.

Ichil ba'ax a'alab tumen Instituto Geodinámico del Observatorio de

Atenas, u péek lu'um náats' petene' mix juntéen yáax ila'ak desde ka'aj káaj u chíikpajal tu ja'abil 1964.

Maanal 180 u téen péeknaj lu'um desde le domingo máaniko', ts'o'oke' ti' le je'elo'obo' maanal ti' táan chúumuke' tu pítmáansaj 3 u muuk'il.

Tu yóok'kabil kex mil km² ti' u bak'pachil petene', ichil u k'iinil 24 ti' enero yéetel 4 ti' febrero, tu chúumuk k'iinile', jxo'ok kex 750 u téen péeknaj lu'um.

U ti'al jka'ansajil sismología Kostas Papazachose', u babal péek lu'ume' jump'éeel ba'al "ma' yáax ila'ak mix juntéen tu baantail griegail lu'um".

Tuláakal najilo'ob xook tu kaajil Santorini, Amorgos yéetel uláak' peteno'ob naats'e' yaan u p'aatalo'ob k'aalalil tak le viernes ku taala', tumen jala'acho'ob te'el kaajo' ku ya'aliko'ob je'ets' beyo', ti'al u kaláanta'al kajnáalo'ob.